

AN TACHT UM PLEANÁIL AGUS FORBAIRT, 2000 (ARNA LEASÚ) RIALACHÁIN PHLEANÁLA AGUS FORBARTHA, 2001 (ARNA LEASÚ)

ALT 8 FÓGRA LÁITHREÁIN

SCÉIM FEABHSÚCHÁIN SHRÁIDBHAILE THAMHLACHTA

De bhun na riachtanas thuas, tugann Comhairle Contae Átha Cliath Theas fógra leis seo chun an fhorbraíocht seo a leanas a thógáil i gceantar Thamhlachta i mBaile Átha Cliath Theas, lena n-áirítear Seanbhóthar Bhaile Coimín, Bóthar an tSeanbhábhuin, príomhshráid Thamhlachta, Seanbhóthar na nGlaschnoc agus Bóthar na nGlaschnoc:

Bheadh an méid seo a leanas i gceist leis an bhforbraíocht bheartaithe:

- Uasghrádú agus athailíniú an chosáin/an tsiúlbealaigh reatha
- Oibreacha feabhsúcháin ar an ríocht phoiblí i Sráidbhaile Thamhlachta; lena n-áirítear maolú tráchta, soláthar saoráidí rothaíochta, uasghrádú na gcosán agus athailíniú na mbóithre lena n-áirítear laghdú ar leithead an charrbhealaigh agus laghdú ar raonta na gcoirnéal agus feabhsuithe acomhal (más gá)
- Trasrian coisithe a chur ar fáil ar an bpríomhshráid (suíomh agus dearadh faoi réir breithnithe);
- Soilsiú poiblí agus TCI a chur ar fáil (más gá)
- Spás na ríochta poiblí a fheabhsú/a mhéadú
- Ceangail bhreise do choisithe agus do rothaithe
- Leaganacha amach éifeachtacha do charrchlóis a uasmhéadaíonn feidhmiúlacht (agus a fhreastalaíonn ar sheachadtaí)
- Mionghné nua leis na bealaí isteach chuig an sráidbhaile
- Tranglam sráide a bhaint agus comharthaíocht a íoslaghdú
- Dearadh tírdhreacha a mhéadóidh líon na gcrann, an plandú, SUDs agus an bhithéagsúlacht
- Roghanna luchtaithe do EVanna
- Spásanna don Súgradh Gníomhach agus do dhéagóirí a bhfuil béim iontu ar bhearta nádúrtha
- Ealaín Sráide
- Na hoibreacha coimhdeacha uile agus seirbhísí eile

Rinneadh Scagadh Measúnachta Cuí ar an moladh faoin Treoir um Ghnáthóga (92/43/CEE) agus scagadh do Mheasúnacht Tionchair Timpeallachta faoi Threoir MTT 2011/92/AE, arna leasú ag Treoir 2014/52/AE. Is é tuairim an údaráis ná gur beag seans go mbeidh tionchar suntasach ar an timpeallacht de bharr na forbraíochta beartaithe agus rinneadh cinneadh nach bhfuil aon ghá le Tuarascáil um Measúnacht Tionchair Timpeallachta (EIAR) a chur i gcrích. Chomh maith leis sin, tá cinneadh déanta ag an údarás faoi Airteagal 6(3) nach dócha go mbeidh tionchar suntasach ag an bhforbraíocht bheartaithe, ar bhonn aonair ná in éineacht le pleananna agus tionscadail eile, ar láithreá(i)n Eorpach(a) ar bith. Is féidir le haon duine, laistigh de 4 seachtaine ó dháta foilsithe an fhógra seo, iarratas a dhéanamh chuig an gCoimisiún Pleanála ar chinneadh scagtha i dtaobh an dócha go mbeadh tionchar suntasach ag an bhforbraíocht ar an gcomhshaol.

Is féidir le daoine ar mhaith leo líníochtaí agus sonraí na forbraíochta beartaithe a scrúdú é sin a dhéanamh mar a leanas:

AR LÍNE: Tabhair cuairt ar ár dTairseach Comhairliúcháin Phoiblí (<http://consult.sdublincoco.ie>) le linn na tréimhse idir **an 11 Feabhra 2026 agus an 25 Márta 2026 ag 5pm.**

I bPEARSA: Beidh pleananna agus sonraí na forbraíochta beartaithe ar fáil lena n-íniúchadh nó lena gceannach ar tháille nach mó ná an costas réasúnta a bhaineann le cóip a dhéanamh, ag Halla an Chontae, Tamhlacht, Baile Átha Cliath 24 le linn uaireanta oifige ón **11 Márta 2026 go dtí an 13 Márta 2026.**

Féadfar aighneachtaí nó tuairimí maidir leis an bhforbraíocht bheartaithe, i ndáil le pleanáil chuí agus forbairt inbhuanaithe an limistéir ina mbeidh an fhorbraíocht bheartaithe suite, a dhéanamh i scríbhinn suas go dtí **5.00 p.m. ar an 25 Márta 2026** agus féadfar iad a chur isteach ar na bealaí seo a leanas:

- **Ar líne:** <https://consult.sdublincoco.ie/en/consultation/tallaght-village-enhancement-scheme-0>
- **I scríbhinn:** Cuir sa phost chuig Oifigeach Feidhmiúcháin Sinsearach, Pleanáil agus Iompar, Comhairle Contae Átha Cliath Theas, Halla an Chontae, Tamhlacht, Baile Átha Cliath, D24 A3XC.

TABHAIR FAOI DEARA: Níor chóir d'aighneacht a dhéanamh ach ar bhealach amháin. Ba cheart go gcuimseofaí leis na haighneachtaí ar fad d'ainm agus seoladh teagmhála. Ba cheart a thabhairt faoi deara go bhfuil feidhm ag an Acht um Shaoráil Faisnéise, 1997 (arna leasú) maidir leis na taifid uile atá i seilbh Chomhairle Contae Bhaile Átha Cliath Theas.

Is féidir breathnú ar Ráitis Phríobháideachais um Shonraí Pearsanta de chuid Chomhairle Contae Átha Cliath Theas ar www.sdcc.ie agus coinneofar na sonraí pearsanta ar fad de réir na gceanglas reachtúil.

An Stiúrthóir Pleanála agus Iompair, Comhairle Contae Átha Cliath Theas.

Dáta an Fhógra Phoiblí: 11 Feabhra 2026